

**MINISTER CICILIA TA
RECONOCE E FORSA
LABORAL TRAS DI
TRANSFORMACION DI
AEROPUERTO DI ARUBA**



WWW.SOLODIPUEBLO.COM




SOLODIPUEBLO@GMAIL.COM

UN ORA PA OTRO E TRES ACUSADONAN DI CASO AVESTRUZ MESTER BAY KIA



**6 AÑA DI PRISON Y TRATAMENTO
OBLIGATORIO EXIGI PA HOMBER CU A
HINCA OTRO HOMBER 8 BIAHA CU CUCHIU**

**ART RAP
FOUNDATION
PRESENTA
CARTAS
DRAMA-
TIZADAS EN
SAN NICOLAS
ENTRADA
GRATIS**



**ENTIERO DI
SEFERIANO TA DIA
5 DI MEI**



VICEPRESIDENTE DI RAAD VAN STATE TA CONCLUI BISHITA DI DESPEDIDA NA ARUBA CU ENFOKE RIBA COOPERACION Y FUTURO DI REINO



Vicepresidente di Raad van State, Thom de Graaf, a conclui su bishita oficial na Aruba, marcando tambe e fin di su periodo den e funcion.

Durante su estadia, De Graaf a sostene reunionnan cu diferente

autoridadnan, incluyendo Prome Minister Mike Eman, unda a intercambia punto di bista riba tema di gobernacion, cooperacion y desaroyo institucional dentro di Reino Hulandes. Den su declaracion, De Graaf a expresa cu e ta



laga Aruba cu recuerdonan positivo, resaltando e importancia di dialogo continuo entre e paisnan y e rol di institucionnan den mantene estabilidad y balance.

“Tin un interes creciente pa sigui invirti den cooperacion dentro di Reino,” De Graaf a indica, señalando contacto continuo y iniciativa reciente como señal positivo pa futuro.

Rol di Raad van State

E Raad van State ta e institucion asesor mas haltu di Reino Hulandes riba tema di legislacion y gobernacion. Ademá di duna conseho riba leyman, e ta hunga un rol importante den supervision di e sistema huridico y den mantene ekilibrio entre e diferente paisnan di Reino.

Breve biografia di Thom de Graaf

Thom de Graaf, procedente di Hulanda, a sirbi como Vicepresidente di Raad van State desde 2018. Prome cu esaki, el a ocupa varios posicion importante den politica Hulandes, incluyendo Minister y lider parlamentario. Su carera ta caracteriza pa un enfoque riba gobernacion, estado di derecho y cooperacion institucional.

Durante su periodo, De Graaf a contribui

significativamente na fortalecimiento di e rol di Raad van State como puente entre e paisnan di Reino, promoviendo dialogo y comprension mutuo.

E bishita na Aruba a marca un ciere simbolico di su mandato, den cual a reafirma importancia di colaboracion continuo entre e paisnan di Reino Hulandes.



UN ORA PA OTRO E TRES ACUSADONAN DI CASO AVESTRUZ MESTER BAY KIA

ORANJESTAD – Un ora pa otro e acusadonan: Benny Sevinger, Pieter Susebeek y Leoncita Arends lo mester bay sinta nan castigo den KIA.

SOLO DI PUEBLO por a compronde cu Ministerio Publico a pidi un reunion cu e abogado nan pa palabra e dia y ora cu Sevinger, Susebeek y Arends mester meld na KIA.

Esaki ta relaciona cu e hecho cu e periodo di 9 dia pa reacciona riba e decision di Corte Supremo a pasa y awor mester ehecuta e sentencia di Corte Superior.

Dia 14 April 2026, Corte Supremo (un constelacion di 6 Hues) na Hulanda, a dicidi cu e apelacion di Benny Sevinger, Pieter Susebeek y Leoncita

Arends contra nan condena di Corte Superior ta keda rechaza. Corte Supremo a bisa cu e castigonan di Corte Superior ta keda vigente.

MESTER EHECUTA CASTIGONAN

Esey ta nifica cu Benny Sevinger ta keda condena na 4 aña di prison di cual 1 aña ta condicional cu un tempo di prueba di 3 aña. Ademá a prohibi Benny Sevinger pa 6 aña largo no por haya trabao den Gobierno y tampoco por postula su mes como candidato di organonan representativo.

Maria Leoncita Arends ta keda condena na 2 aña di prison di cual 1 aña ta condicional cu un tempo di prueba di 3 aña.



Pieter Susebeek y ta confirma e castigo di Hof di Corte Superior. Pieter Susebeek ta keda condena na 30 luna di prison di cual 10 luna ta condicional cu un tempo di prueba di 2 aña. E 1.3 Mion Dollar lo keda confisca.

MESTER BAY KIA

Siman pasa, e periodo di 9 dia a transcuri y esey ta nifica cu e tres acusadonan mester bay sinta nan castigo den KIA. Ta asina cu e abogado nan a haya e carta di Ministerio

Publico caminda ta invita nan pa un reunion pa asina palabra e dia y ora cu Sevinger, Susebeek y Arends mester meld na KIA pa sinta nan castigo.

ENTIERO DI SEFERIANO TA DIA 5 DI MEI

Recientemente a yega e noticia tristo cu Seferiano Feliciano a bay sosega.

Seferiano ta un baluarte di pais Aruba, un luchador den prome fila hunto cu Betico Croes pa Status Aparte.

Seferiano semper a stima su partido MEP y semper tabatey na tur momento pa sirbi partido y yuda.

Den tempo di e cambio di lider na 2012, di Nel pa Evelyn, Seferiano tabata den e comicion

di registro y hunto cu Osro a deplega un gran trabao pa renobacion di miembrecia.

Pero desde aña 1970 e tabata tey na tur ocasion a para schouder cu schouder cu su partido.

Semper manera un militante cla para pa e lucha.

Solo di Pueblo ta extende condolencia pa su famia y na partido MEP





NoticiadiCorte

6 AÑA DI PRISON Y TRATAMENTO OBLIGATORIO EXIGI PA HOMBER CU A HINCA OTRO HOMBER 8 BIAHA CU CUCHIU

ORANJESTAD – Den Corte di Husticia, Hues a trata e caso penal cu Ministerio Publico a cuminsa contra e homber A.R. (29), acusa di intento di mata,

SOLO DI PUEBLO por a compronde cu Fiscal a bisa cu A.R. apenas a sali liber condicional for di KIA pa un caso similar caminda el a wordo condena na 10 aña di prison, cu el a bolbe haci e mesun cos. Fiscal a tene cuenta cu e raport di psiquiatra y psicologo cu ta muestra cu A.R. ta sufri di paranoide y mester di tratamento. Fiscal a exige 6 aña di prison y tratamento obligatorio pa A.R.

E acusacion cu Fiscal a presenta den Corte contra A.R. ta intento di mata y maltrato pisa riba 12 Augustus 2025 di homber v.d. B. A.R. a hinca v.d. B. diferente biaha cu un cuchiu.

ACUSADO A ADMITI

Ta asina cu A.R. a admiti di a hinca v.d.B. Hues a puntra pakico A.R. a haci'e. Segun A.R., v.d.B. tabata keda pasa 3 dia dilanti su cas y menaza A.R. cu lo bay tir'e mata. Hues a bisa cu segun relato di Polis, A.R. tabata den un truck di Septic hunto cu su ruman homber y a baha di e truck y hinca v.d.B. cu tabata para na un auto ta papia cu un dama cu tabata den e auto. Segun A.R. e dia ey v.d.B. a zwaai man p'e. Hues a bisa cu e ruman di A.R. a bisa cu A.R. a bis'e pa para e truck y si e no para e lo bula afor.

Segun A.R., e kier a papia cu v.d.B. pa resolve e problema pero v.d.B. a bis'e cu awe bo dia a yega.

E momento ey v.d.B. tabata para papia cu e ex amiga di A.R. cu tabata den un auto. Hues a bisa cu tin video di seguridad cu ta muestra kico a sosode. Hues a bisa cu por a mira cu v.d.B. tabata para papia y diripiente ta mira A.R. ta cana liher yega y tabata agresivo. E momento ey v.d.B. a hala atras. Segun A.R., e momento ey cu v.d.B. a hala atras, el a mira v.d.B. a bay cu su man patras manera e ta coy un arma. Hues a bisa cu e no a mira v.d.B., kende tabata lomba sunu, cu un arma. A.R. a bisa Hues, cu el a mira e movicion di v.d.B. y a saca un cuchiu y a ataca v.d.B.

Hues a bisa cu riba e video por a mira cu A.R. a hinca v.d.B. diferente caminda na su curpa. Hues a remarca cu esaki no ta muestra cu A.R. a bay pa papia e asunto. Hues a puntra A.R., pakico v.d.B. tabata menace. Segun A.R., por ta v.d.B. ta jaloers pasobra e amiga di v.d.B. a bay laga v.d.B. pa tin relacion cu A.R. y despues e amiga a bay bek cu v.d.B. Hues a remarca cu e dama tabata cu v.d.B. y por bien ta cu ta A.R. tabata jaloers. A.R. a admiti cu e tabata un poco jaloers. El a bisa Hues cu ora el a yega, v.d.B. a bis'e cu "awor bo ora a yega". Esey tabata momento cu A.R. a hink'e.

Hues a bisa cu ta parce cu A.R. a palabra cu e dama pa e ta cu v.d.B. A.R. a para riba cu no tabatin nada planea. Hues a bisa cu si e tabata planea e ora ey ta un caso serio. Hues a puntra A.R., pakico e tabatin un cuchiu. A.R. a bisa cu e tabata cu e cuchiu pa defende su mes contra v.d.B. Ora el a mira

v.d.B. haci movicion, el a saca e cuchiu y hink'e.

CABA DI SALI FOR DI KIA Y BOLBE HINCA

Hues a bisa cu A.R. tabatin castigo di 10 aña di prison pa intento di mata. E tabata mas cu 6 aña sera y a haya libertad condicional. E tabata mas o menos 2 siman pafor di KIA y ta bolbe hinca hende cu cuchiu. Hues ta haya esaki hopi serio. El a puntra A.R. si el a pensa kico e tabata haci. Segun A.R. e no a pensa. A.R. a bisa Hues cu e ta lamenta loke el a haci.

Segun A.R. for tempo cu e tabata sera e tin problema cu v.d.B. door di e ex amiga.

PROBLEMA MENTAL SERIO

Hues a bisa cu door di e situacion, a pidi psiquiatra y psicologo pa evalua A.R. Nan raport ta bisa cu A.R. tin problema mental y ta

sufri di paranoide. Segun e raport di e dos expertonan, A.R. ta sinti su mes hopi biaha amenaza y no tin e capacidad di pensa kico e ta haci. Door di esey nan ta conclui cu A.R. ta menos responsabel pa su actonan. Tambe e expertonan a muestra cu A.R. ta usa droga. E expertonan ta muestra cu e chens di ripiti algo asina ta hopi grandi. Nan ta conseha pa A.R. haya tratamiento no sera den un instituto. Na Aruba no tin posibilidad pa haya tratamento den un instituto. Pa bay Hulanda e ta bira dificil door di cu A.R. no ta compronde Hulandes. E expertonan ta haya cu e tratamento den forma liber lo mester bay den cooperacion cu Reclasing y Respaldo caminda A.R. ta wordo obliga pa haya tratamiento.

Continuacion pag. 6

Clasificados










SOLODIPUEBLO@GMAIL.COM

CEL.585 9500



MINISTER CICILIA TA RECONOCE E FORSA LABORAL TRAS DI TRANSFORMACION DI AEROPUERTO DI ARUBA

Oranjestad, Aruba – Diahuebs atardi a celebra un logro significativo na Aruba Airport Authority N.V. ora cu e proyecto Gateway 2030 Fase 1B a alcanza su fase di mas halto, marcando e finalisacion di e punto structural di mas halto di e expansion na Aeropuerto Internacional Reina Beatrix.

Mientras cu e ceremonia a destaca e transformacion continuo di e infraestructura di Aeropuerto di Aruba, e momento a fungi tambe como reconocimiento na esnan kende nan dedicacion ta sigui forma e futuro di e porta di entrada di e isla.

Pa Aruba, aeropuerto ta representa mucho mas cu un hub di transporte. E ta un fuente di orguyo nacional, e porta di entrada pa nos One Happy Island, alabes e prome y ultimo impresion pa cada bishitante cu ta yega y sali for di Aruba.

Minister di Turismo, Transporte y Labor, mr. Wendrick Cicilia, a pone enfasis riba e importancia di inverti no solamente den infraestructura, pero den e hendenan cu ta tras di esaki.

“Proyectonan manera Gateway 2030 ta posibel pa medio di colaboracion, compromiso y trabou duro. Tras di cada structura y cada logro importante tin individuonan cu ta dedica nan experticio y esfuerso na futuro di Aruba”, Minister Cicilia a declara.

Awo tin un energia positivo pa por caba cu e proyecto den e tempo stipula, prome cu aña 2030.

Minister Wendrick Cicilia a haya un proyecto cu tabatin retraso y cu hopi reto, pero a percura pa acelera e progreso di e proyecto.

E expansion di Fase 1B ta inclui portanan nobo pa pasahero, areanan di espera expandi y espacionan mehora diseña pa mehora eficiencia y comodidad pa e biaheronan.

“Mi lo ta para aki riba dia 15 di december pa nos corta e cinta, esey ta un reto di parti di mi como Minister di Turismo pa cada un cu

ta presente aki”, tabata expresion di Minister Wendrick Cicilia.

Segun construccion ta continua, Gateway 2030 ta keda un refleho di e compromiso di Aruba pa crea un experiencia di aeropuerto cu ta alinea cu e isla su hospitalidad, normanan di calidad y vision a largo plaso pa crecimiento turistico sostenibel.



SPECIAL PA MAMA

NOS TESORO DI CAS!

CUMpra Y GANA UN GIFT CERTIFICATE DI:

AWO CASH DEN 3

Afl. 500,-
electro

Afl. 750,-
electro

Afl. 1000,-
electro

electro

Avenida Milio Croes 41 ☎ (+297) 280-022

6 AÑA DI PRISON Y TRATAMENTO OBLIGATORIO EXIGI PA HOMBER CU A HINCA OTRO HOMBER 8 BIAHA CU CUCHIU -2-

Continuacion di pag 4
Hues a puntra A.R. si e ta usando droga ainda. A.R. a bisa cu ora el a sali for di KIA e tabata usa marihuana so. Hues a puntr’e si e no ta haya marihuana un problema. A.R. a bisa cu e no ta haya marihuana un problema.

FISCAL TA EXIGI 6 AÑA DI PRISON Y TRATAMENTO OBLIGATORIO
Fiscal a bisa Hues cu 14 dia despues cu A.R. a sali for di KIA, el a bolbe hinca hende. El a haya libertad condicional pa un condena di 10 aña di prison pa intento di mata. Fiscal a bisa cu na Mahuma, A.R. a hinca v.d.B. 8 biaha cu cuchiu. Cu urgencia a hiba v.d.B. hospital, pa tratamiento di un pulmon cu a klap sera.

Fiscal a bisa cu dia 12 Augustus 2025, A.R. a bay riba v.d.B. kende tabata papia cu e ex amiga di A.R. El a bisa v.d.B., “mi a bisa bo cu mi ta bin pa bo” y a hinca v.d.B. 8 biaha entre otro na cabez y schouder. Despues di a hinca v.d.B., el a bay bek den e truck. Fiscal a sigui bisa cu segun A.R., v.d.B. tabata pasa dilanti cas y zwaai man y tabata considera esaki como menaza.

Fiscal a mostra cu riba camera di seguridad por a mira con A.R. a bay riba v.d.B. y tras di e auto nan a bringa y cay abao. Despues nan a lanta. Segun Fiscal, no por a mira si v.d.B. lo a

haci movecion di saca un arma manera A.R. ta bisa. Fiscal ta haya cu A.R. no por papia di lo a actua den defensa propio. Fiscal ta haya cu A.R. a cana bay agresivo riba v.d.B. y ta considera esaki un intento di mata. El a mostra cu ocho biaha A.R. a hinca v.d.B. cu e cuchiu. Raport medico ta mostra cu a perfora un pulmon cu a klap. Fiscal ta haya cu A.R. a actua premedita. El a mostra cu A.R. tabata manda mensahe na v.d.B. y tambe na su ex amiga cu v.d.B. lo no scapa. Fiscal ta considera esaki un intento di asesinato. Fiscal a remarca cu e castigo di 10 aña di prison no a trece cambio den A.R. pa stop di haci algo asina. E raport di psiquiatra y psicologo ta mostra cu e risico ta grandi cu A.R. lo haci algo asina atrobe. Fiscal a mostra cu segun e raport di Reclasing, A.R. cu su 10 aña e tabata usa marihuana. Despues tabata usa cocaina tambe y bebe alcohol. Psiquiatra y psicologo ta haya cu A.R. mester di tratamento pasobra e ta menos responsabel pa su actonan. E pregunta ta si por duna castigo maximo y haya tratamento obligatorio. Fiscal a bisa cu teniendo cuenta cu e interes di tratamento, el a exige 6 aña di prison y cu e condicion cu A.R. mester haya tratamento obligatorio (TBS).

ABOGADO

Mr. D.Croes a bisa Hues cu e caso no a cuminsa

ora di hincamento. E abogado a bisa cu A.R. tabata considera amenaza di v.d.B. ora cu v.d.B. tabata pasa cu auto dilanti e cas. Esaki a keda traha riba A.R. door di e problema mental paranoid. Ora el a mira cu v.d.B. a bay serca e ex amiga, A.R. a perde cabez y a actua. El a stop ora el a mira e yiu chikito di v.d.B. a bay yuda v.d.B. E ora ey A.R. a stop di hinca. Abogado a mostra cu e problema mental di A.R. ta serio y pesey psiquiatra y psicologo ta bisa cu e ta menos responsabel pa su actonan. E abogado a bisa Hues cu A.R. a pasa gran parti di su bida sera den KIA. Sin tratamento adecua, lo no resolve e problema di A.R. E mester di tratamento. Abogado a pidi Hues pa considera cu A.R. a actua den defensa propio. E ta haya e exigencia di Fiscal na su lugar. Tambe e abogado a bisa cu A.R. ta dispuesto pa bay sigui tratamento na Hulanda.

Fiscal a bisa cu lo por haci TBS na Hulanda y esey lo bay dura mas. Hues a bisa cu si bay exige 6 aña di prison cu TBS, esaki lo bay tuma mucho tempo y mester tene cuenta cu e libertad condicional.

Hues a bisa cu e lo bay studia e caso y 29 Mei 2026 e lo bay sera e caso y 12 Juni 2026 lo tin sentencia.

AUNKE NO TA HAYA E MANTA DEN NOS AWA TERRITORIAL, E TA PROTEHA PA NOS LEYNAN LOCAL



Parlamentario Dangui Oduber: MINISTER WEVER TA SCOGE E INTERES DI MAS HALTO DI 25% PA CONSUMIDORNAN PAGA ORA HACI PRESTAMONAN!

Minister Wever tabata presente den Parlamento pa brinda informacion riba e Landsverordening Regeling Kredietverlening. E ley aki, cu si tur cos ta bon lo drenta na vigor dia 1 di januari 2027, tin como meta pa regula y stipula e interes maximo cu negoshinan por cobra riba prestamonan chikito y tambe negoshinan cu ta financia compra di productonan manera wasmashin, dryer, frishider, television y te hasta iPhone. Na e momentonan aki, e negoshinan menciona tin e libertad pa pone e interes cu nan ta desea riba un prestamo. Sinembargo, ora e ley drenta na vigor, lo tin un tasa maximo legal stipula. Den e proceso aki, e Minister di Finansa y Economia tin un rol determinante, pasobra e ta e persona encarga pa dicidi kico e tasa di interes maximo ey lo bira.

Frishider Bashi, Pueblo den Crisis!

Parlamentario Oduber a lansa un critica fuerte contra Minister Wever y e Gobierno actual, señalando e falta total di empatia cu tin pa cu e pueblo Arubano. Oduber a expresa, cu e situacion economico na Aruba a yega na un punto critico y e falta di comprension di e mandatario ta bini como un sla duro pa e comunidad. Despues di a hiba un campaña fuerte primintiendo di mehora poder di compra y yena frishidernan bek, e realidad awe ta totalmente opuesto, Oduber a enfatisa.

"Realidad Amargo" cu nos ta biba aden:



- **Aumento Explosivo:** Gasolin, diesel, y gas a subi sin piedad, mandando prijs di tur producto den supermarkado den laira.
- **Bestaan minimum espantoso:** Un famia di 4 persona mester di no menos cu 5551 florin pa luna djis pa cubri e necesidadnan basico.
- **Sobrevivencia:** Mayornan mester core tras di 2 trabou y biba den fianza continuo djis pa por wanta cabes riba awa.

"Nos a spera mas compasion y comprension pa e grupo delicado aki, pero caminda mester tin empatia, nos ta haya solamente silencio y aumento di costo." Oduber a expresa. E pueblo no por sigui carga e peso aki mas.

A scoge e interes di mas halto posible!

Minister Wever tabata tin tres opcion riba mesa pa e interes

maximo:

1. Boneiro: Ta uza un tasa di 22%.
2. Banco Central di Aruba: A conseha Minister pa scoge 22%.
3. Otro compania di conseho: A propone entre 18% y 20%.
4. E Consultant di Minister: A conseha e interes di mas halto: 25%.

Minister Wever a opta pa e 25%! Nos NO ta compronde pakico a scoge e tasa di mas halto si e por a dicidi pa un interes mas abou. Aki bo ta mira claramente cu e Minister NO ta sirbi interes di e homber chikito. Laga nan suta e pueblo cu tasa di interes halto numa!

Cu pueblo of Contra pueblo?

Durante e reunion, ora nos a indica cu nos kier un debate publico y presenta un mocion pa reduci e tasa di interes aki, Minister Wever a contesta cu e NO lo sigui e

mocion toch!

"Acaso e Minister ta dicidi pa Parlamento awor?" Oduber a cuestiona. Nos lo keda pendiente pa mira si fraccionnan di AVP y Futuro ta bay para cu pueblo, of si nan ta bay contra pueblo den e inhusticia aki!

Dicon Minister Wever a nenga e 18% pa scoge e 25%? Aki bo ta mira ken ta biba pa pueblo y ken ta biba pa suta pueblo numa!



PARLAMENTARIO ING. CARLOS BERMUDEZ TA REACCIONA RIBA DECLARACION DI AHATA

ORANJESTAD (28 di april 2026) - Parlamentario pa fraccion di AVP, Sr. ing. Carlos Bermudez ta expresa su reaccion critico y firme despues di e reaccion di e representante di AHATA, señora La Sorte. E pregunta y sugerencianan cu e parlamentario a dirigi na e minister responsabel pa labor y turismo no a cay for di laira, pero ta basa riba señalnan concreto y repetitivo di trahadonan den e sector turistico.


No ta trata aki di un of algun caso aisla. Al contrario, no ta un, ni dos, pero decenas di trahado den e industria di hotel a acerca Bermudez di un of otro forma pa comparti nan preocupacion tocante nan condicionnan di trabao y den algun caso hasta maltrato mental di parti di e dunado di trabao. Pa motibo di miedo pa represaya of hasta perde nan trabou, e trahadonan aki no a of ta tripi pa acudi na Departamento di Labor pa hiba e asunto na un nivel

mas halto den nan espacio di trabou. Precisamente pa motibo aki, Parlamentario Bermudez a dicidi pa proteha nan anonimidad ni menciona ningun hotel specifico den publico.

Bermudez ta aclaria cu, como representante di pueblo, ta su deber y obligacion moral pa tuma e señalnan aki na serio. Pa e motibo ey el a dirigi un carta oficial na Minister Cicilia pidiendo investigacion y presentando algun sugerencianan concreto pa mehora control y proteccion di trahadonan den sector turistico/hotelero.

Pa su sorpresa, e reaccion di e representante di AHATA ta muestra mas un condena di su accionnan cu un reconocimiento di e problema. Bermudez ta

enfatisa cu nunca tabata of ta su intencion pa punta dede na henter e industria di turismo/hotelero. Al



contrario, e ta reconoce cu tin hotelnan cu ta trata na empleadonan corectamente y cu ta respeta nan derechonan como trahado. E hotelnan aki no tin nada pa teme di un investigacion. Mas aleu, un investigacion transparente por fortalece nan reputacion.

E pregunta cu ta keda ta: dicon e reaccion defensivo aki di parti di representante di AHATA? Si dunado di trabou (hotelnan) ta cumpli cabalmente cu nos leynan laboral, no tin ningun motibo pa

preocupacion. Solamente esnan cu posiblemente no ta cumpliendo cu nan obligacionnan como, un bon doño di trabao lo tin motibo pa sinti preocupa.

Parlamentario Bermudez ta reconoce e derecho di AHATA pa defende interes di e sector hotelero, pero e ta subraya cu esaki no mester nifica minimalisa preocupacionnan legitimo di trahadonan, ni critica un parlamentario pa cumpli cu su deber pa tuma na serio y tuma pasonan pa salvaguardia esnan cu ta

acerca su persona cu nan preocupacionnan.

Tambe Bermudez ta muestra cu e ta haya curioso y un tiki ironico cu e propio representante di AHATA tambe a dirigi un carta na e minister pa pidi pa un investigacion. Esaki ta confirma exactamente e punto cu su persona a haci for di principio: Transparencia y control ta necesario y ta den interes di e empleadonan como tambe e sector hotelero.

TUMA ACCION PA PREVENI, PROTEHA Y STOP DENGUE CON NOS POR STOP DENGUE?



Parlamentario Eduard Pieters (PPA): PARLAMENTO DEN CRISIS: ROND DI 240 DIA DI SILENCIO Y BOYCOTT DI DEMOCRACIA

Den un pais cu ta proclama democracia como su base, loke ta pasando awe den Parlamento di Aruba ta lanta pregunta serio: ta Parlamento ainda ta representa pueblo of ta hungando un wega pa silencia nan? Parlamentario Eduard Pieters di fraccion di PPA a lanta un denuncia fuerte: un petition formal pa un reunion publico, entrega desde 3 di juli 2025, ta ignora pa mas cu 8 luna of 240 dia, mientras Reglamento di Ordo ta stipula claramente cu e presidente di Parlamento mester convoca esaki dentro di 30 dia. “Esaki no ta un error administrativo,” Pieters a declara. “Esaki ta un falta grave di respet pa nos democracia.”

Reglamento no ta opcion sino un obligacion

Reglamento di Parlamento no ta un sugerencia. Ta un cuadro legal, cu ta garantisa cu bos di minoria tambe ta haya oido. Ora ta cumpli cu e cantidad di sosten pa un reunion, presidente di Parlamento

tin obligacion pa actua. Pero den e caso aki, a ignora e obligacion aki completamente. Resultado? Un retraso di mas di 240 dia riba un derecho democratico basico.

“Si nos no ta respeta nos propio reglamento, con nos kier existi respet di otro?” Pieters a cuestiona.

Un patronchi di blokeo y censura

Segun fraccion di PPA, esaki no ta un incidente aisla. Ta parti di un patronchi mas amplio:

E iniciativanan di oposicion semper ta retrasa, debate publico ta limita y bos critico ta silencia.

“E meta ta cla: silencia preocupacionnan cu pueblo ta biba,” Pieters a afirma.

Esaki ta crea un percepcion peligroso, unda cu Parlamento no ta funciona como un espacio liber di debate, pero como un instrumento controla y maneha pa gobierno.

Agenda manipula pa exclui oposicion



Situacion a bira mas serio ainda, ora cu fraccion di PPA a informa formalmente na Parlamento riba un biahe di trabou pa Hulanda.

Un biahe planifica responsablemente, mirando cu agenda tabata completamente bashi. Pero diripiente, presidente di Parlamento a manda yama varios reunion y a planea tur den

e siman cu PPA no por ta presente. “Den un siman, mas reunion cu normalmente ta convoca den un luna completo,” Pieters a señala.

“Esaki no ta coincidencia, esaki ta un intento di exclusion of boycott.” E pregunta cu el a lanta ta directo: Kico ta e intencion tras di e accionnan aki?

AVISO DI SIGURIDAD: INCIDENTE CU CUENTA DI EMAIL DI A.T.A.

Nos a identifica cu recientemente a tuma luga un incidente di seguridad cu un cuenta di email dentro di nos organizacion riba 23 di april, 2026. Como resultado, mensahe di phishing a wordo manda for di e cuenta di email p.melchior@aruba.com sin autorisacion.

Nos ekipo ta consciente di e situacion y a tuma paso inmediato pa sigura e cuenta y investiga e

incidente. Nos ta activamente implementando medidanan di proteccion adicional pa preveni mas actividad no autorisa. Un investigacion forensico digital ta tumando luga.

Si bo a ricibi cualkier mensahe inespera of sospechoso for di e email respectivo, por favor no habri esaki of click riba e link y tampoco habri ningun attachment. En cambio, raporta e mensahe

na nos ekipo na it@aruba.com of na departamento di IT di bo organizacion y elimina e mensahe.

Nos ta aprecia bo vigilancia y cooperacion mientras nos ta atende cu e incidente aki. Nos lo comparti mas informacion segun cu esaki ta disponibel.

available.

Aplicacion a habri awe!

KPA TA BUSCANDO ABO: APLICA PA ASPIRANT DI POLIS NIVEL 2



Santa Cruz, ARUBA: Cuerpo Policial Aruba ta buscando abo, forma parti di nos organisacion policial y sirbi bo Pais dignamente. Nos ta habri e oportunidad pa nos comunidad por solicita pa Medewerker Veiligheidszorg nivel 2.

Eleva bo conocimiento,

conoce y siña nos leynan hudicial, reglanan y proceduranan. Mas aun brinda e servicio y seguridad na nos comunidad. Alabes respeta e uniform y ta integro pa bienestar di nos Pais. Bo contribucion pa bira polis nifica un desaroyo personal, salario ta sigui crece, bo lo traha pa pais Aruba, ricibi bo



rango y decretonan gubernamental y crece substancialmente den bo carrera policial. Esaki ta algo pa bo?

Desde awe 28 april te cu dia 5 di juni 2026, hoben for di edad minimo di 17 te cu 34 aña por aplica. Aki bou nos lo menciona e rekisitonan

cu mester pa admision: Mester tin nacionalidad Hulandes; Mester ta inscribi y ta biba na Aruba; Edad minimo 17 aña y maximo 34 aña; Estatura sin sapato, minimo 1.60 meter; Mester tin un diploma MAVO, EPI, EPB Doorstroom of un diploma

cu ta igual na esakinan. Pasa yena e formulario di solicitud, personalmente na Scol di Polis E.J. Watty Vos situa na Forthuevelstraat 25, di dialuna pa diahuebs entre 09:00 – 14:00. Nos ta buscando abo! Cuerpo Policial Aruba ta warda abo, aplica awe!

Un nrato di alegria y union

CUERPO POLICIAL ARUBA TA FORTIFICA LASONAN CU NOS MUCHANAN DI IMELDA HOF DURANTE VAKANTIE

Noord, ARUBA: Den cuadro di e periodo di vakantie, Cuerpo Policial Aruba a bishita Imelda Hof pa un bishita special dedica na nos muchanan, combinando educacion cu deporte y diversion. Diahuebs e muchanan di Imelda Hof a ricibi bishita di e vocero di Cuerpo Policial Aruba, Liliana Rasmijn, kende a duna un charla informativo tocante e trabou diario di un agente policial.

E muchanan a keda masha entusiasma cu e presentacion y a probecha e oportunidad pa haci hopi pregunta, demostrando un gran interes den e trabao di polis. Despues di e parti educativo, tabata tin momento di recreacion. A organisa un wega di futbol amistoso. E team di polis tabata consisti pa agentenan di Polis di Bario Noord, Polis di Bario Oranjestad, polis Uniforma

di Noord y polis di SBV Oranjestad. E ambiente tabata uno di hopi alegria caminda e muchanan a gosa un mundo compartiendo cu nan "amigo polis". Fuera di e wega, e muchanan tabata tin e chens di mira e auto di polis di cerca, locual a genera hopi curiosidad y mas pregunta pa e agentenan. Cuerpo Policial Aruba ta reafirma su compromiso pa keda enfoca riba e union cu nos hubentud. Aporta na e



desaroyo di nos muchanan ta fundamental, ya cu nan ta e futuro di nos pais. Pa e Cuerpo, "duna bek" na comunidad ta un di e labornan di mas bunita cu

tin. Tanto tabata e goso, cu e muchanan di Imelda Hof ya a pidi caba pa un "re-match" contra nan amigonan di

Aruba ta planta futuro durante ceremonia di plantacion na Henny Eman Boulevard

UN TOTAL DI SHEN Y UN MATA NATIVO PA EMBEYECE Y FORTALECE BIODIVERSIDAD

Compromiso nacional cu sostenibilidad, identidad y naturalesa Riba Dia di Rey den un evento simbolico Gobierno di Aruba cu su departamento di Directie Natuur en Milieu (DNM), Dienst Openbare Werken (DOW) hunto cu Aruba Airport Authority N.V. (AAA) y Aruba Conservation Foundation (ACF) a uni nan bos pa un causa comun: restaura Aruba su naturalesa y fortifica sostenibilidad como base di desaroyo di pais. Cada discurso a agrega un capa importante na e mesun vision comparti cu ta un Aruba mas berde, mas consciente y mas conecta cu su identidad natural y cultural. E iniciativa aki ta parti di un strategia nacional cu ta enfoca riba restaura naturalesa, fortalece biodiversidad y crea un Aruba mas berde, limpi y sostenibel. E ceremonia di plantacion di matanan na Henny Eman Boulevard ta forma parti di e programa nacional di reforestacion impulsa bou liderazgo di Prome Minister Mike Eman. E proyecto rib'e berm pabou di e rotonde di Aeropuerto Internacional Reina Beatrix riba Henny Eman Boulevard ta un ehempel concreto di e enfoka aki, unda restauracion di vegetacion nativo ta bai hunto cu desaroyo urbano responsabel. Prome Minister mr. Mike Eman a presenta e vision mas amplio y historico. Premiere Eman a recorda cu Aruba a perde casi 70% di su vegetacion y cu esaki ta haci reforestacion un prioridad nacional urgente. Den colaboracion cu AAA, DOW, ACF y otro partner, gobierno ta comprometi pa planta centenares di mata y palo como parti di un esfuerso continuo. Segun e Prome Minister, e seleccion di e ubicacion ta strategico, pa asina combina reforestacion cu embeyecimento di nos entorno urbano. Den marco di e prome fase, plantacion di mata, realisa cu apoyo logistico

di Fantastic Gardens y Aruba Conservation Foundation. Den total a planta 101 mata, di cual 78 tabata entrega door di Fantastic Gardens y 23 door di Aruba Conservation Foundation. E variedad di mata a inclui 10 Lily, 10 Croton Mix, 40 Carissa, 20 Beishi Lama y 4 Oleander di Boneiro. Adicionalmente, durante e ceremonia di Dia di Rey, a planta 4 Wayaca Macho grandi como simbolo central di e iniciativa. Tyson Lopez, CEO di Aruba Conservation Foundation (ACF), a hiba un discurso rib'e rol di naturalesa den un Aruba moderno. Tyson a enfatisa cu nan esfuersonan di conservacion no mester ta limita n'e areanan proteha so, pero mester extendena stadnan y areanan urbano. E concepto di green corridor ta clave, e ta conecta parkenan, areanan natural y stadnan pa asina bestia y matanan por move libremente. Tyson a sigui splica cu matanan nativo ta fundamental pa preveni erocion di nos suela, mehora calidad di aire, regula temperatura, sostiene nos flora y crea ecosistemanan mas stabil. Den e proyecto rib'e berm na Henny Eman Boulevard ACF ta activamente involvi den plantacion di 23 mata nativo di cual varios ta diferente especie, cada un cu su rol den sostiene Aruba su balansa ecologico. Minister di Turismo, Transporte y Labor mr. Wendrick Cicilia a conecta turismo cu responsabilidad ambiental. Cicilia a enfatisa cu plantamento di mata no ta solamente un acto simbolico, pero un accion cu un impacto directo riba comunidad y imagen di Aruba como destinacion. Minister Cicilia a subraya cu e companianan na Aruba mester asumi responsabilidad social comparti, y cu turismo mester refleha respet profundo pa naturalesa. Un di e proposicionnan mas interesante ta e idea di "adopta un palo di mata" unda nos turistanan por laga algo



positivo atras despues di nan bishita riba nos pais. E mandatario tambe a señala su compromiso pa cu crea un area similar n'e berm di Henny Eman Boulevard den area di turismo crucero rond di Waf di Oranjestad. Angeline Flemming cu ta director di salud y sostenibilidad na Aruba Airport Authority N.V. a enfatisa cu awor conoce un transformacion importante den e strategia corporativo di AAA N.V., unda sostenibilidad no ta un proyecto apart, pero un componente central di nan vision pa futuro. Flemming a subraya cu e programa Wings of Hope, un comision boluntario di e empleadonan di AAA N.V., ta activamente involvi den varios proyecto comunitario durante henter aña. Asina ta contribui directamente n'e 17 Metanan di Desaroyo Sostenibel (SDGs na ingles). Un ehempel concreto di esfuersonan di AAA N.V. ta su colaboracion cu Aruba Conservation Foundation (ACF), den cual nan a desaroya un greenhouse pa planta matanan nativo, cu e meta pa yuda restaura e ecosistemanan local y fortalece Aruba su biodiversidad. E trabounan di plantacion y excavacion ta bou coordinacion di DOW, mientras cu partnernan tecnico a facilita entrega y preparacion di e matanan. Despues di completacion di e plantacion, autoridadnan y partnernan lo evalua

e area pa determina si lo ta necesario agrega mas vegetacion. E proyecto ta forma parti di un esfuerso mas amplio pa reforestacion riba e isla, cu enfoka riba uzo di matanan nativo pa proteha ecosistema local y crea un paisahe mas berde y sostenibel. Minister di Vivienda, Infraestructura, Servicio Interno y Telecomunicacion drs. René (Baba) Herdé a amplia e concepto di infraestructura, splicando cu e no ta solamente fisico, pero tambe social y natural. Minister Herde a enfatisa cu infraestructura teniendo cuenta cu nos naturalesa ta esencial pa futuro di Aruba, y cu plantamento di mata no ta solamente simbolico pero e ta un proceso largo cu ta djis cuminsando. Francis Gomez, director interino di DOW a presenta e proyecto situa casi n'e entrada principal di Aeropuerto Internacional Reina Beatrix como resultado di colaboracion entre varios entidad entre otro N.V. ELMAR y WEB Aruba N.V. Gomez a splica cu e proyecto ta basa riba algun pilar importante:

1. Diseño pa crea un entrada visualmente atractivo y compatibel cu medio ambiente
2. Coordinacion cu ta integra utilidad manera infraestructura riba caminda, awa y corriente
3. Plantamento cu ehecucion di paisahe cu palo y vegetacion

Parlamentario Stephany Sevinger

GOBIERNO Y PARLAMENTO TA DUNA OIDO NA COMUNIDAD DI BUSHIRI Y TA IMPULSA PASO PA FORTALECE E BARIO



Parlamentario Stephany Sevinger di Fraccion AVP a reacciona de inmediato na preocupacion expresa pa habitantenan di Bushiri, acercando personalmente pa tende e situacion y coordina e prome paso pa mehoracion di e area.

Durante su bishita, Sevinger a enfatisa importancia di mantene contacto directo cu comunidad y duna oido na bos di e residentenan. El a indica cu e realidad di e bario a wordo comparti cu sinceridad, reflehando un deseo cla pa mira cambio positivo y un entorno cu ta promove bienestar.

Segun Sevinger, e iniciativa ta enfoca riba reestablece confiansa den comunidad, fortaleciendo sentido di union y responsabilidad comparti pa cuido di e bario. El a subraya cu e area tin potencial pa bira un espacio mas agradabel y funcional, specialmente pa recreacion y convivencia di

e residentenan.

E parlamentario, cu ta bin di e mes un area aki y ta mira e importancia y prioridad di atende cu e comunidad, a destaca cu e preocupacionnan a wordo tuma na serio y cu ta trahando den coordinacion estrecho pa identifica solucionnan practico y sostenibel. El a enfatisa cu e esfuerzo aki ta alinea cu e vision mas amplio pa revitalisacion di bario, unda participacion

di comunidad ta esencial.

“Nos ta aki pa scucha, pa comprende y pa traha hunto cu comunidad pa logra cambio real,” Sevinger a indica, añadiendo cu e proceso ta uno cu ta rekeri paso firme y colaboracion continuo.

E acercamento inmediato di e parlamentario ta refleha un compromiso pa conecta mas cerca cu comunidad y impulsa accionnan concreto pa mehora calidad di bida den e area.



Pronto Esmeralda Krosendijk lo haya oido di gobierno

DESEO DI CAMBIO DEN BUSHIRI NOORD PA UN ENTORNO MAS CUIDA Y HARMONIOSO



A tuma nota di preocupacion y aspiracion expresa pa habitantenan di Bushiri, unda residentenan ta pidi atencion pa mehoracion di su entorno y pa cu e calidad di bida.

Durante combersacion cu habitante Esmeralda Krosendijk, a sali na cla e deseo pa mira e bario recupera su dignidad y apariencia bek, cu mas enfoke riba limpieza, mantencion y un ambiente cu ta invita pa biba y comparti. E testimonio a refleha un sentimiento sincero di apego na e lugar: un deseo pa mira e area bira un espacio netchi, ordena y digno pa residente y bishitantenan.

Na mes momento, a reconoce cu recientemente a inicia algun accion di limpieza y cu esaki a crea speransa den comunidad pa un cambio sosteni. Habitantenan ta aprecia e paso inicial y ta mira cu optimismo pa continuidad di e trabounan.

Den e mesun linea, a comparti e necesidad pa mantene e esfuerzo, resaltando cu plantacion y embeyecemento ta rekeri continuacion y cuido frecuente pa logra un impacto duradero. Tambe a menciona importancia di atende situacionnan di prioridad cu ta afecta bienestar di residentenan, cu enfoke riba salud y entorno.



Gobierno a duna oido na e preocupacionnan aki y hunto cu parlamntario Stephany Sevinger, cu porcierto a duna sosten inmediato na e bario mirando e importancia di mantene contacto directo cu comunidad, como tambe biniendo di cercania di e bario di Bushiri, cual el a responde mesora.

Hunto lo tuma paso pa coordina accionnan cu ta busca logra mehoracion di e area di manera structural y sostenibel. E enfoke ta basa riba colaboracion cu comunidad, respetando e caracter di propiedad particular di e compleho, mientras cu ta busca forma di facilita apoyo y coordinacion efectivo.

Un di e punto cu a sali fuerte for di comunidad ta e uzo di e parke di recreo. Originalmente destina pa muchanan di e bario, e espacio awor ta refleha un comunidad cu tin mas adulto mayor. Den e contexto aki, ta considera opcionnan pa adapta e

parke cu instalacionnan mas acorde cu e necesidad actual, manera espacio pa descanso, camindanan pa cana y opcionnan pa ekipo di ehercicio adecua.

E esfuerzo aki ta forma parti di e vision mas amplio di Gobierno pa revitalisa bario, fortalece cohesion social y eleva calidad di bida. Den e enfoque di “Bon Comun”, ta busca crea entorno unda comunidad por sinti orguyo di su bario y participa activamente

den su desaroyo.

E mensahe for di comunidad ta cla: tin deseo pa cambio, tin compromiso pa mehora, y tin confiansa cu, trahando hunto, por logra un resultado positivo. Gobierno ta comparti e conviccion aki, y ta reafirma su compromiso pa sigui construi riba e paso inicial, pa logra un bario di Bushiri mas limpi, mas ordena y mas digno pa tur residente.

Clasificados



SOLODIPUEBLO@GMAIL.COM
CEL. 585 9500



SOPi DI LETRANAN

WEATHER



I	R	A	I	N	B	O	W	O	D
E	S	I	G	U	D	S	A	G	Z
N	N	D	U	O	L	C	C	N	I
A	O	H	O	L	S	M	O	I	T
C	D	A	L	R	R	E	D	N	Z
I	O	I	N	O	R	L	A	T	I
R	O	L	T	N	P	D	N	H	A
R	L	S	S	U	D	D	R	G	R
U	F	D	I	S	A	U	O	I	Z
H	A	W	O	N	S	P	T	L	O

WORD LIST

STORM	FLOOD	CLOUD
LIGHTNING	TORNADO	HURRICANE
SUN	RAIN	SNOW
HAIL	RAINBOW	PUDDLE

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

FORTALEZA PA FAMILIA

Scirbi pa Pastor Marcel Balootje.

TUR LOCUAL BO TA STIMA, PONE DEN MAN DI DIOS

Tur esaki mester wordo haci:
Pone bo bida den man di Dios.
Pone bo famia den man di Dios.
Pone bo matrimonio den man di Dios.
Pone bo yuinan den man di Dios.
Pone bo nietonan den man di Dios.
Pone bo trabao den man di Dios.
Pone bo negoshi den man di Dios.
Pone bo esposo den man di Dios.
Pone bo esposa den man di Dios.
Pone bo curason den man di Dios.
Pone bo salud den man di Dios.
Pone bo iglesia/yamada y ministerio den man di Dios.

Awor dicon bo tin cu hacie?

Pasobra tur locual nos pone den man di Dios ta crece, pasobra den man di Dios tin bendicion sanacion,liberacion,restauracion,tur nos speransa y nos confiansa mester ta den Dios su man.

Jeremias 1;19 ta para scirbi: Y nan lo bringa contra bo, ma nan lo no vence bo, pasobra Ami ta cu bo, pa librabo . Senjor ta declara.

Isaias 41 : 10 Senjor ta bisa: No tene miedo pasobra Mi ta cu bo, no desmaya, pasobra Mi ta bo Dios. Lo Mi fortalese bo. Si lo Mi yudabo. si lo Mi sostenebo cu e man drechi di husticia.

Cuanto biaha nos no ta tende un mayor ta keha bisando, cu e no por mas cu su yiu, awel nos contesta ta for di ora un mucha caba di nace entrege den man di Dios, Y Dios lo pone Su man riba bida di e mucha, y cosnan grandi lo sosode den su bida, pasobra abo como mayor a confia su bida den man di Senjor.

Den e buki di Samuel capitulo 1 Anna no por a hanja yiu, pero e a bisa Senjor cu si bo duna mi un yiu, mi ta entrega e yiu bek na bo, y Senjor a dune un yiu profeta cual ta Samuel y Anna a cumpli cu locual e a priminti.

Tur locual ta puro y berdadero y pega na nos curason nos mester entrega na Dios, pa asina



proteccion di Dios por avansa, pasobra si nos wak bon con e enemigo ta ataca, matrimonio, hubentud, famia, etc cual ta locual cu nos mas ta stima , nos tin di comprende cu riba nos mes nos no por defende nos hogar, pero ora nos pone tur cos den man di Dios, Dios mes lo detene e enemigo.

Salmo 55:22 ta para scirbi: Tira bo carga riba Senjor, Y e lo sostenebo,nunca e lo permiti, pa e husto wordo movi.

Tanto rikesa como honor ta bini for di Bo,y Bo ta reina riba tur cos, y den Bo man tin poder y forsa,y ta den bo man pa engrandece y fortalese cada un.(1 Cronicanan 29:12).

Bendiciona ta esun cu ta confia tur locual cu e tin den man di Senjor, pasobra den man di Senjor, tin seguridad, bondad, pas, y bida eterna.
Palabra di Dios ta bisa nos den Filipensenan 4:6-7: No preocupa pa nada, ma den tur cos pa medio di oracion, y suplica cu gradicimento, laga boso peticion ta conoci dilanti di Dios. Y e pas di Dios, cu ta surpasa tur comprendemento, lo warda boso curason y boso mente den Cristo Hesus.

Ta ora nos confia den Dios y pone tur cos den man di Dios, nos lo conoce e bondad di Dios, Dios mes lo pasa nos den prueba pa nos ta fuerte manera oro, pa nos ta e lus cu e kier pa nos ta , pa nos ta fuerte firme, y disponibel pa

tur bon obra, pa nos ta hende dedica na Senjor den palabra y den hecho. Pone tur cos den man di Senjor.
Sinceramente, Pastor Marcel Balootje.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 28, 2026

 Sorteo # 4959 6546 8031 9845 FP  Sorteo # 4959 7915 FP  Sorteo # 3015 6946  Sorteo # 4959 8676 Tauro  Sorteo # 1833 912 X3	<table><tr><td> Sorteo # 0 x Jackpot 0 x Match 4+ 0 x Match 4 0 x Afl. 12,00 </td><td>Joker Letter Proximo Jackpot 210.000,-</td></tr><tr><td> Sorteo # 0 x Jackpot 0 x Match 4 0 x Afl 8,00 </td><td>Proximo Jackpot 64.000,-</td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl 15,00 </td><td>Mega Ball Proximo Jackpot 1.300.000,-</td></tr><tr><td colspan="2"> Afl. 2.100.000,- </td></tr><tr><td> Sorteo # </td><td></td></tr></table>	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 210.000,-	 Sorteo # 0 x Jackpot 0 x Match 4 0 x Afl 8,00	Proximo Jackpot 64.000,-	 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl 15,00	Mega Ball Proximo Jackpot 1.300.000,-	 Afl. 2.100.000,-		 Sorteo #	
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 210.000,-										
 Sorteo # 0 x Jackpot 0 x Match 4 0 x Afl 8,00	Proximo Jackpot 64.000,-										
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl 15,00	Mega Ball Proximo Jackpot 1.300.000,-										
 Afl. 2.100.000,-											
 Sorteo #											

CREMACION DI CURPA DI UN DEFUNTO TA PROHIBI PA DIOS TATA

Nos por mira claramente cu den Bijbel e tradicion di Israel, e hudiunan ta dera semper nan curpa morto. Mientras cu den mundo tin pueblonan den creencianan paganismo, den reencarnacion y nan si ta crema y ta kima nan curpa morto. Tin paisnan na mundo no ta permiti cremacion di curpa. Bijbel ta bisa, cu nos curpa ta bira stof manera cu mester ta durante tempo, pero Bijbel no ta bisa, cu nos curpa ta bira shinishi pa medio di kimamento di curpa. Den Bijbel Genesis 3: 19, Dios Tata ta bisa: “Cu sodo di bo frenta lo bo come pan te dia cu bo bolbe den tera, pasobra ta di eyan bo a wordo saka. Pasobra di stof bo ta y di stof bo ta bolbe bira.”

Bijbel Eclesiastes 12: 7 ta bisa: “Bo curpa ta bolbe bira stof, ta bay bek den tera y bo alma ta bay bek na Dios, pasobra ta El ta esun cu a duna b’e.” E tradicion di deramento di curpa, ta wordo demostra den Bijbel Testamento Bieuw y tambe den Testamento Nobo. Lesa loke Bijbel ta bisa den 1 Corinthionan 15: 44, Apostel Pablo ta bisa: “Ta dera un curpa mortal y un curpa spiritual ta lanta for di morto.” Den Bijbel Mateo 27: 59 y 60: “Hose di Arimatea a cohe e curpa di Hesus, a lor’e den un panja nobo di lenen y a pon’e den su mes graf. Tabata un graf nobo cu el a laga coba den baranca.” I tin hopi mas capitulonnan den Bijbel cu ta papia di deramento di curpa y no di kimamento di

curpa. Pa medio di bautismo, nos curpa ta tempel di Dios Spirito Santo cu ta bira den nos y ta haci nos curpa un instrumento di honor pa Dios Tata.

Por mira e curpanan di e Cristiannan y di e Santonan cu a muri hopi siglonan pasa y nan curpa a keda intacto, incorumpibel pa motibo di nan bida santo. Por ehempel, San Padre Pio, Sta. Bernadette Soubirous, Sta. Cecilia, San Huan Bosco, San Juan Vianney y hopi mas defuntonan cu a muri y nan curpa a keda incorumpibel, den Bijbel e salmo 16: 10 y 11 ta bisa: “Pues Bo no ta entrega mi alma na morto, ni Bo ta laga mi curpa sufri corrupcion. Bo ta muestra mi e caminda di bida, e goso grandi cu ta di mira Bo Cara, delicianan pa eternidad banda di Bo.” Pesey ta con un famia ta laga crema curpa di nan ser stima y mientras cu Cristo-Hesus kier pa curpa di hende keda incorumpibel pa motibo di nan bida Cristian y santo? Cristo-Hesus mes a wordo dera y E’l a lanta Su mesun curpa for di morto, p’esey tur hende Cristian ta kere cu nan deramento den santana ta un testimonio pa e Resurreccion cu tin di bini. Nos curpa ta tempel di Spirito Santo y p’esey nos curpa mester wordo trata cu honor y cu respet.

Ta con un famia lo bai sinti, cu nan ser stima a pasa pa medio di candela ardiente y a bira

shinishi? Na anja 1886, e Santo Oficio di Vaticano a prohibi e cremacion di curpa na e funeralnan. Na final di siglo 19, tabata tin lantamento y protestanan di hendenan no Catolico na Europa pa promove e cremacion di curpa. E Iglesia Catolico a rechasa e movimientonan aki, pasobra e hendenan aki cu ta defende cremacion, nan tabata rechasa e creencianan Cristian di inmortalidad di alma y nan no tabata kere den e resurreccion di curpa.

E Codigo di Derecho Canonico di anja 1917, Iglesia Catolico ta prohibi un deramento Cristian, na cualkier persona cu a ordena pa su curpa wordo crema. Na anja 1963 Vaticano a cuminsa permiti cremacion di curpa, solamente ora un persona muri den enfermedad di epidemia, na paisnan na unda cu no tin lugar pa dera y na ora di desasternan y guerra. E Codigo di Derecho Canonico actual di anja 1983 den e Canon 1176 ta bisa: “Iglesia Catolico ta conseha su fielnan, pa conserva e piadosa custumben di deramento di curpa di e defuntonan.” Awor, ta e famianan ta keda responsabel, si ta dera nan defuntonan manera cu Dios Tata kier of manera e otro creencianan di mundo ta haci. E responsabilidad aki ta keda pa cada un di nos dicidi segun su consenshi.

Seferino Tromp

ART RAP FOUNDATION PRESENTA CARTAS DRAMATIZADAS EN SAN NICOLAS ENTRADA GRATIS

San Nicolas, Aruba — Art Rap Foundation invita a la comunidad de Aruba a vivir Cartas Dramatizadas, una producción de teatro comunitario en la calle principal de San Nicolas los días 1, 2 y 3 de mayo, a partir de las 7:00 PM.

Presentado por Art Rap Foundation con el apoyo del Fondo Conmemorativo para la Esclavitud, esta propuesta inmersiva e interactiva reúne a más de 12 artistas en escena en una poderosa

exploración de la historia, la memoria y la identidad colectiva.

Cartas Dramatizadas se concibe como una experiencia educativa y participativa que transforma el espacio público en un escenario vivo donde el público es invitado a involucrarse, reflexionar y conectar.

Entrada gratuita y abierta al público. Recomendado para niños a partir de 10 años, jóvenes y adultos.

